

wewanakisiwin mizi-mizi ki iji-sisswecka ; aia-
mie-witokkotatiwak eiamiadjik ; kassihikaten
pattatowinan, kata apitecpak anicinabek ij ow-
iawiwate, gaie kata kakikke pimatistik, mi eji-
tepwettamân.

NIN WINDAMAWA KIJE-MANITO.

Nin Windamawa Kije-Manito kakkina net-
tawittote kiteitwa Mani kakik taiesanakwewite,
kiteitwa micen ketci-anjeniwite, kiteitwa Jan-
Baptist, kiteitwa Piiengaie Pon Jesus o napotima,
kakkina wakwing endadjik ; kin gaie, n'osse, ki
windamon, keget onzam nigi pattat ka iji-patta-
mitonenindamân, ka iji-patta-ikittoian gaie ka iji-
patta-totamân : Nin nind indowin, nin nind in-
dowin, nin nin kitci nind indowin ; mi wendji-
pagossenimak kiteitwa Mani kakik taiesanakwe-
wite, kiteitwa micen ketci-anjeniwite, kiteitwa
Jan-Baptist, kiteitwa Piiengaie Pon Jesus o na-
potima, kakkina wakwing endadjik kitci gaga-
nottamawiwate ; kin-gaie, n'osse, gaganottama-
wiccîn.

KIJE-MANITO OT IKITTOWINAN.

1. Pejiko Kije-Manito ondjita ki ga manadjihâ ;
win pejiko enigokotehen ki ga s'kiha.

2. Ka ceckwat ki ga winasiwa Kije-Manito ;
ka gaie keko ceckwat ki ga windansin kitci wi-
ondji-tepwettagon.

3. Kije-Manito o kijikom ki ga manadjiton ;
ka gaie ihm-apite ningot ki gat inanokkisi.

4. Ki nikihigok ki ga kiteitwawinak ; kinwenj
wi-primatisin.

5. Ka awiia ki ga nissasiwa ; ka gaie awiia ki
ga cingenimasiwa.

6. Ka awiia nicipijikwate widjiwiieken ; ka
ondjita nicipijikwatisikken.

7. Ka awiia kimotimiieken ; ka gaie kekon
awiia mindjiminamawiieken.